

Cov Teb Me thiab Kev Ua Liaj Teb Nyob Ntug Zos Hauv Wisconsin



Tes Haujlwm Pab Txuag Liaj Teb Los Ntawm Qhov Kev Pab Environmental Quality Incentives Program

Lub Environmental Quality Incentives Program (EQIP) yog qhov thawj kev pab uas lub U.S. Department of Agriculture (USDA, koom haum saib xyuas kev ua liaj teb hauv Tebchaws Mekas) Natural Resources Conservation Service (NRCS, txheej xwm pab cuam kev txuag av liaj teb) muaj los pab txuag liaj teb thiab ua ntaub ntawv thov nyiaj pab rau cov tswv teb. EQIP yog qho kev pab txhawb kev ua liaj teb los ntawm muab tswv yim thiab taw qhia seb yuav txuag av liaj teb li cas. Tej kev pab txuag av liaj teb muab sau rau hauv qab no (kuj muaj lwm yam ntiv thiab) uas cov tswv teb xaiv tau los pab tsim tsa hom phiaj txuag liaj teb li cas. Muaj ntau tes haujlwm uas muaj peev nyiaj pab them. Cov kws ua liaj teb uas nyuam qhuav pib, cov tub rog, cov txom nyem thiab haiv neeg uas ib txwm tsis tau txais kev pab yuav tau peev nyiaj pab them uas ntau dua thiab tau nyiaj pab them li 50% los them ua nws tes haujlwm ua ntej.


Tab txawm koj daim teb koj ntsuas yog square feet lossis yog acres, lub chaw haujlwm NRCS hauv koj zos muaj cov kws tshuaj liaj teb uas pab tau koj tsim tsa tej tswv yim los pab txuag, los tswj, thiab rov kho kom tej nroj tsuag hauv koj thaj av rov zoo tuaj thiab txhim kho tau cov av kom zoo tuaj mus sijhawm ntev.

Yog xav nrhiav lub chaw haujlwm NRCS hauv koj zos, mus rau www.nrcs.usda.gov/contact/find-a-service-center




Tsev Vov Ntaub Yas (High Tunnel System)

Lub tsev vov ntaub yas yog ib lub tsev kheej uas vov ntaub yas xws li polyethylene, polycarbonate, plastic, lossis ntaub los pov thaiv tej qoob loo los ntawm lub hnuv ci, cua, nag los lossis thaum caij ntuj no los pab tej qoob loo tuaj ntiv tab txawm dhau caij lawm. Yuav tsum tau npaj seb yuav ua lub loj dav li cas thiab siv cov khoom tsa tsev uas tsim txuas raws li txoj kev pab teev tseg tias tsim txuas li cas. Yuav muab ua lub me tshaj li 600 square feet los tau. Yuav tsum cog qoob loo rau hauv cov av sab hauv lub tsev no.



Cog Nyom Nplej (Cover Crops)

Qhov uas cog nyom nplej lossis noob taum yog los pov thaiv thiab txhim kho cov av. Yog siv los pab tswj kom nroj txhob tuaj, tswj kom av txhob phom tuaj, pab kom av zoo tuaj, tswj kom av txhob muaj kab mob thiab kab los noj, thiab txhawb kom muaj nroj tsuag zoo. Kev cog nyom nplej yuav yog ib hom lossis ntau hom noob sib xyaw ua ke los yeej tau, tsuas nyob raws seb koj xav cog li cas xwb. Cov nyom nplej uas ib txwm cog nyob hauv cov teb me lossis teb nyob ntug zos Wisconsin yog cov nplej fall rye, cereal grain lossis clover.



Kev Cog Ntau Tsob Paj Qus

Kev cog ntau tsob nroj tshuaj lossis paj nroj los ntawm tseb noob cog kiag lossis cog tsob nroj thaum yau rau koj thaj av yuav zaub mov rau tej me kab me noog tuaj ntsauv tej paj nroj no thiab pab ua ntug thaiv koj daim teb. Xaiv cov nroj uas ib txwm tuaj rau koj thaj tsam, lossis muab sib xyaw ntau hom los tau kom los pab muaj tej me kab me noog uas ua chiv rau tej nroj tsuag thiab cov npauj npaim monarch yog tej yam uas tseem ceeb muab koj los xam seb yuav cog yam twg.



Kev Cog Ntoo

Kev cog ntoo yog los ntawm cog tsob nyuam qhuav tuaj, cog tsob ntoo thaum me, lossis tseb noob. Muaj ntau laj thawj los cog ntoo thiab nroj. Tej yam zoo los ntawm kev pab txuag yog tej tom ntej no tiamsis kuj tsis yog hais txhua thiab: pab kom muaj tej nroj ntoo rau me kab me noog ntsauv, ua kom muaj ntoo ntau tuaj, pab kom av txhob phom tuaj, pab kom dej zoo tuaj, pab nqus tej pa carbon thiab txuag kev siv fais fab.



Tsev Siv Quav Tsiag Ua Chiv

Ib lub tsev siv quav tsiag ua chiv yog ib qho chaw cia quav lossis lwm yam nplooj qhua qub zaub los ua chiv w rau koj daim teb, qhov ua li no yuav pab kom dej tsis txhob tsuas. Nws muab tej nplooj qhua qub zaub hloov mus ua chiv, ces pab kom cov av zoo tuaj thiab ua rau cog tau qoob loo zoo. Ntxiv thiab, nws pab txuag kev siv fais fab los ntawm pab kom tsis txhob muaj khib hnyiab ntau.



Kev Tso Dej, Tso Mus Txuag Me Me Xwb

Cov yas me tso dej rau cov qoob loo yam uas siv dej maj mam txeex mus lossis txuag dej me me (drip lossis spray). Siv tau cov no rau thaum cog qoob loo hauv lub tsev ntsuab lossis rau thaj av uas cog qoob loo tsawg kom thiaj li ywg dej tau zoo thiab kom ywg txhua. Qhov kev txuag dej no uas phee yig yog khawb qhov av ua ib kem ib kem es cia dej ntwms mus nws, lossis txuas ib lub tshuab tso dej thiab txuas xaim yas los txuag dej lossis txuas cov xaim yas uas cia dej maj mam txeex mus zuj zus xwb los tau.



Xaim Yas Tso Dej

Cov xaim yas yog siv los tso dej ntawm kwj deg lossis taub dej mus rau liaj teb. Yuav muab cov xaim yas no faus hauv av lossis saum daim teb los yeej tau. Qhov ua li no yuav pab txuag dej vim yuav pab tswj qhov tso dej kom tsim nyog sijhawm thiab tsim nyog los ywg koj daim teb xwb.



Chaw Rau Dej

Ib qho chaw rau dej (daim phiag thaiv kwj deg, qhov av dej, lossis taub rau dej) yog siv los cug dej nag, dej hauv av, lossis dej saum npoo av los siv ywg qoob loo. Qhov cug dej li no kuj pab teev dej kom muaj dej tas li thiab tswj tau qhov ywg dej thaum tsis muaj dej txaus los siv.



Ru Tsev Cug Dej

Muaj cov ru tsev los cug, tswj, thiab teev tseg cov nag uas los saum ru tsev. Yog ib txoj kev los cug dej nag thiab siv tau ntawm daim teb lossis pab muab cov dej huv tshem tawm ntawm tej chaw qias. Kev muaj ru tsev cug dej li no pab kom cov av txhob phom tuaj, pab kom muaj dej ntau thiab dej huv, pab kom lim dej zoo thiab teev tau dej tseg los siv ywg qoo loo.

Yog xav paub ntxiv thiab seb muaj kev pab li cas rau cov teb me thiab teb tim ntug zos Wisconsin, mus rau www.nrcs.usda.gov/wi/urban-ag



Wisconsin
Natural
Resources
Conservation
Service

nrcs.usda.gov/wi



USDA yog ib qho chaw muaj kev sib luag zos.

Wisconsin • Lub 9 Hli 2023